



ATASSUT INATSIARTUNI

ATASSUT

UKA 2013/121-1

Knud Kristiansen

05.11.13

Nunatsinni suliffeqarfiit namminersortut nutaat, aallartinneranniit sapinngisamik akileraarutigut artukkorsorneqannginnissaat anguniarlugu, ukioq siulleq ataaseq akileraartannginnissamik Naalakkersuisut sulissuteqaqqullugit Inatsisartut aalajangiiffigisassaattut siunnersuut.

(Inatsisartunut ilaasortat Siverth K. Heilmann aamma Gerhardt Petersen, Atassut)

ATASSUT-miit anguniakkatta pingaernerit ilagaat, nunatsinni pisortat suliffissaqartitsinerat annikilliaruaartinneqassasoq, suliffeqarfiillu namminersortut periarfissaat annertusarneqartariaqartoq, taamaasiornikkut unammilleqatigiinnikkut periarfissat pitsaanerusut inuiaqatigiinnilu imminnut napatittumik aaqqissuussaanerup annertusarnissaa.

Ukiuni kingullerni nunatsinni suliffeqarfiit mikinerusut amerlasuut matoorarput, tamanna assigiinngitsunik pissuteqarluni, pingaarnertullu pisortat sanaartornikkut, suliassatigullu ataqatigiinngitsumik pilersaarusiortoqarnera patsisaavoq annertuneq.

Taamaasiornikkut nunatsinni suliffeqarfinnik aallartisaarusukkaluartut tunuarsimaartinneqalerput, siunissami kiffartuussinikkut sanaartornikkut allatigullu qanoq peqataasinnaanermikkut periarfissat nalorninarsimmata.

Tamanna aamma kinguneqarpoq nunatsinni akitigut kiffartuussinikkullu sullissinissamik neqeroorutit tiguneqartartut annikillinerannik, suliffeqarfiit unammillertut ikinnerulermata, tamannalu naggataagut inuiaqatigiit aningaasaqarnikkut soorunami akit qaffasinnerulernerannik kinguneqarmat pisortat aningaasartornerulerput, naak pitsaassuseq kiffartuussisunit immaqa qaffasinnerulinngikkaluartoq.



ATASSUT INATSIARTUNI

Tamatuma takutippaa nunatsinni qanoq suliffeqarfiit unammillersinnaasut amigaatigineqartiginerat, aammalu qanoq nunatsinni suliffeqarfiit pingaartumik aallarterlaat nutaat qanoq periarfissalutsiginerat, qanoq nunarput suliffeqarfimmik aallartisaaffigissallugu “inussiarniitsigisoq”, tamanna ATASSUT-miit iliuseqarfigerusupparput, suliffeqarfiit nutaat pitsaanerusumik periarfissinnerisigut.

Ukioq ataaseq akileraarutitigut pitsanngorsaavigineqarnikkut suliffeqarfiit nalimmassarnissaminnut periarfissaqarluassapput, taamaasiornikkut akiliisinnaassutsip annerulerneratigut kingorna suliffeqarfiit peqqissut, aningaasatigut, sulisoqarnikkullu pigineqalissapput, pingaartumik inuiaqatigiinnut nammakkersutaanngitsut, unammilleqatigiinnikkullu akitigut pitsaasumik sunniuteqartussat.

ATASSUT-miit naalakkersuisut akissutaat paatsuugavarput, isumaqarpugummi isummorsornermikkut atornerluisinnaaneq isiginiarpallaaraat, inuiaqatigiinnullu nammakkersuutaanngitsumik siunissaq isigalugu pitsaasortai mininneqartut.

Suliffeqarfiit nutaat suulluunniit tamarmik nalunaarsorneqartarput, immikkullu tamarmik suliffeqarfittut normoqarput, taanna aqutigalugu nakkutigineqarnerat atuutereerpoq.

Aamma ATASSUT-miit isumaqarpugut innuttaqativut suliffimmik aallartisaarusuttut tatigalugit kaammattortariaqartut, siunissamilu inuiaqatigiit tamarmik iluaqutissaannik suliffiit aallartinneqartussat periarfissatigut aqutissiuuttariaqartut, tamannalu maannakkumiit aallartittariaqartoq isumaqarpugut, taamaammat suliffeqarfinnik aallartisaarusuttut ingerlatsereersullu atornerluisinnaasutut naqissusereerseqassannginnissaat ATASSUT-miit pingaartikkatsigu erseqqissaatigissavarput.

Oqaaseqaatitta naannginnerani ATASSUT-mit erseqqissaatigissavarput siunnersuummi matumani pigatsigit suliffeqarfittut mikisutut aallarnisaanisarneqarniartut pingasut tungaanut sulisullit aallartinnerminnilu 2 mio. kr. ataallugu kaaviiartitaqqaartussatut missiliuutillit, kisianni aamma



ATASSUT INATSISARTUNI

paarnaariingilarput soorunami Inatsisartuni parteeqativut sinaakkutaasussanik naapitseriarfigissallugit ammaffigivagut.

ATASSUT-mimmi qularutiginnilarput aallarnisaasut suliffeqarfiliorsinnaanerannut tapersersuilluarnikkut sinaakkutassarissaartitsinikkullu pineqartut mikisunngooriarlutik kingusinnerusukkut annertusarnissaminnut periarfissarissaartinneqassasut.

Siunnersuut ullumikkut pisariaqarluinnartoq, inuppassuarnullu pinngitsoorani isumallualersitsisussaq iluaqutaalersussarlu tamakkiisumik taperserlugu akueralugu ataatsimiititaliamut susassaqartumut innersuupparput.